



# RUDNICI MRKOG UGLJA «BANOVIĆI» d.d. BANOVIĆI

Ulica Armije BiH 52, 75290 Banovići; Bosna i Hercegovina;  
Telefoni-Centrala: 00387 35 870-600; 875-010; Fax: 00387 35 875-166  
Rješenje Kantonalnog suda Tuzla br: U/I-0891/98. ID PDV broj: 209329530001  
Identifikacijski broj: 4209329530001 Porezni broj: 03421100

[www.rmub.ba](http://www.rmub.ba)



Broj: 18742 /18.  
Banovići, 20. IX 2018.godina

Na osnovu člana 69. stav (2) tačka d), člana 70. i 100. stav (3) Zakona o javnim nabavkama BiH ( "Sl.Glasnik BiH" broj: 39/14), člana 82. Statuta RMU Banovići d.d. Banovići broj: 317/16 od 11.01.2016.godine i člana 223. Zakona o upravnom postupku ("Sl. Glasnik BiH", broj: 29/02, 12/04, 88/07, 93/09, 41/13 i 53/16) rješavajući po žalbi ponuđača Elcom d.o.o. Tuzla izjavljenu protiv Odluke o izboru najpovoljnijeg ponuđača broj: 16273/18 od 10.09.2018. u postupku javne nabavke „Nabavka razvodnih postrojenja za napajanje transportnog sistema za otkrивku prema jednopolnim šemama i nacrtima-2 kom" (C-R-I 04/18), Ugovorni organ RMU "Banovići" d.d. Banovići na Preporuku Komisije za javne nabavke iz Zapisnika o pregledu i ocjeni ponuda broj: 244aZCb/18 od 25.09.2018.godine donosi

## RJEŠENJE

1. Žalba ponuđača Elcom d.o.o. Tuzla broj: 261-2/2018 od 20.09.2018.g izjavljena protiv Odluke o izboru najpovoljnijeg ponuđača broj 16273/18 od 10.09.2018.g je djelimično osnovana.
2. Poništava se postupak javne nabavke: Nabavka razvodnih postrojenja za napajanje transportnog sistema za otkrивku prema jednopolnim šemama i nacrtima -2 kom (C-R-I 04/18) kao i sve pravne posljedice koje su iz istog proistekle, a pokrenut Odlukom o pokretanju postupka javne nabavke broj: 8601/18 od 24.05.2018.g iz razloga: "nijedna od primljenih ponuda nije prihvatljiva" (odredbe člana 69. stav (2) tačka d) Zakona o javnim nabavkama BiH)
3. Ovo Rješenje stupa na snagu danom donošenja i dostavit će se svim ponuđačima koji su učestvovali u predmetnom postupku javne nabavke u skladu sa članom 100. stav (3) Zakona o javnim nabavkama BiH.
4. Ovo Rješenje objavit će se na web-stranici [www.rmub.ba](http://www.rmub.ba).

## Obrazloženje

Ponuđač Elcom d.o.o. Tuzla (u daljnjem tekstu: Žalitelj) podnio je dana 21.09.2018.godine žalbu na Odluku o izboru najpovoljnijeg ponuđača broj 16273/18 od 10.09.2018. Naime, postupak javne nabavke pokrenut je Odlukom o pokretanju postupka javne nabavke broj: 8601/18 od 24.05.2018.g koji je sproveden otvorenim postupkom gdje je procijenjena vrijednost javne nabavke bez PDV-a 750.000,00 KM.

Obavještenje o nabavci broj: 565-1-1-440-3-299/18, objavljeno dana 19.06.2018. godine. Sažetak obavještenja objavljen u Službenom glasniku BiH broj: 42/18 od 22.06.2018.godine.

Komisija za nabavku imenovana je Rješenjem broj: 8658/18 od 25.05.2018. godine.

Temeljem Zapisnika o pregledu i ocjeni ponuda broj: 244aZC/18 od 13.08.2018. godine, u postupku javne nabavke: Nabavka razvodnih postrojenja za napajanje transportnog sistema za otkrивku prema jednopolnim šemama i nacrtima-2 kom (C-R-I 04/18), Ugovorni organ je donio Odluku o izboru najpovoljnijeg ponuđača broj 16273/18 od 10.09.2018.g kojom je, između ostalog, utvrđeno da je najpovoljniji ponuđač Deling d.o.o. Tuzla. Nezadovoljan prednjom odlukom žalitelj je podnio žalbu na način kako je gore istaknuto.

Prije nego se upustio u meritorno odlučivanje, Ugovorni organ je pristupio provjeri formalnih pretpostavki za ulaganje žalbe, koje moraju biti ispunjene na strani žalitelja, kako bi se uopće pristupilo njenom rješavanju, a odnose se na uslovljene pretpostavke u skladu sa članom 222. stav (1) Zakona o upravnom postupku BiH ("Službeni glasnik BiH" br: 29/02, 12/04, 93/09, 41/13 i 53/16), odnosno na dopuštenost, blagovremenost i izjavljenost od ovlaštene osobe, odnosno na pretpostavke propisane odredbama članova 100. i 101. Zakona o javnim nabavkama Bosne i Hercegovine.

Ispitujući pravne pretpostavke za postupanje po predmetnoj žalbi, Ugovorni organ je utvrdio da su udovoljene procesne pretpostavke za ulaganje žalbe, odnosno da je ova žalba blagovremena, dopuštena i izjavljena od ovlaštenog lica zbog čega je moguće daljnje postupanje po istoj.

Žalitelj u žalbi ističe sljedeće primjedbe:

**1. Ponuda ponuđača ELCOM d.o.o. Tuzla je ocijenjena kao neprihvatljiva iako ista ispunjava zahtjeve tenderske dokumentacije.**

U Odluci o izboru najpovoljnijeg ponuđača broj 16273/18 od 10.09.2018 godine navedeno je da se ponuda ponuđača ELCOM d.o.o. Tuzla odbija jer „*Tipski certifikat nije preveden na jedan od službenih jezika u BiH*“.

U tenderskoj dokumentaciji u tački 8.1.3 navedeno je:  
„*Ponuda i svi dokumenti i korespondencija u vezi sa ponudom između ponuđača i ugovornog organa moraju biti napisani na jednom od službenih jezika u Bosni i Hercegovini. Ugovorni organ ne zahtijeva da se štampana literatura, brošure i katalogi prevedu. Pod zvaničnim prevodom se smatra prevod ovjeren o strane sudskog prevodioca.*“

Zahtjev tenderske dokumentacije je da „*Ponuda i svi dokumenti i korespondencija u vezi sa ponudom između ponuđača i ugovornog organa moraju biti napisani na jednom od službenih jezika u Bosni i Hercegovini*“.

Kao ponuđač, mi smo, svu dokumentaciju koja predstavlja:

- ponudu,
  - sve dokumente,
  - svu korespondenciju,
  - sve izjave,
  - sve obrasce,
  - sve što smo kao ELCOM d.o.o. Tuzla kreirali,
  - sve čime kao ponuđač ELCOM d.o.o. Tuzla komuniciramo,
- dostavili na jednom od službenih jezika u Bosni i Hercegovini.**

Ugovorni organ je jasno naveo da „*Ugovorni organ ne zahtijeva da se štampana literatura, brošure i katalogi prevedu.*“

Kao ponuđač, dostavili smo Knjigu 2/2 štampana literatura uz ponudu koju čine tipski certifikati. Tipski certifikati su dokumenti koje smo u izvornom obliku odštampali koristeći štampač te smo istu dostavili uz ponudu. Štampana potječe od riječi tal. = stampare što znači tiskati, utisnuti. Štampana predstavlja naziv za različite postupke mašinskog umnožavanja dokumenata. Tipski certifikati nisu dokumenti koje smo kao ponuđač ELCOM d.o.o. Tuzla kreirali, već predstavljaju štampanu literaturu koju smo odštampali, i literaturu koja je dostupna na oficijelnoj stranici proizvođača postrojenja ABB.

Nadalje, zahtjev za dostavom tipskih certifikata naveden je u tački 7.4.2 pod e) u kojoj jasno stoji:  
„*e) Dostavljen uz ponudu Tipski atest za 12 kV razvodno postrojenje o sigurnosti pri pojavi internog kvara i internog luka za vrijednosti struja i napona po Tabeli- parametri sistema u Tehničkom opisu predmeta nabavke datom u Aneksu 12 tenderske dokumentacije*“

**Dakle Tipski atest za 12 kV razvodno postrojenje se dostavlja UZ ponudu te predstavlja ŠTAMPANU LITERATURU UZ ponudu koju nije bilo potrebno prevesti.**

Na sadržaj Tipskih certifikata ELCOM d.o.o. Tuzla ne utiče, već isti predstavljaju štampanu literaturu dostupnu svim strankama na oficijelnoj stranici proizvođača te predstavlja štampanu literaturu koja je dostavljena UZ ponudu što je i bio zahtjev Ugovornog organa.

**Zaključak:**

**ELCOM d.o.o. Tuzla je upotpunosti postupio po zahtjevu Ugovornog organa, dostavio je ponudu na službenom jeziku u Bosni i Hercegovini te prateću štampanu literaturu uz ponudu, te ponuda ELCOM d.o.o. Tuzla treba biti ocijenjena kao prihvatljiva.**

**2. Ponuda ponuđača Deling d.o.o. Tuzla označena je kao prihvatljiva iako ista ne ispunjava zahtjeve tenderske dokumentacije. Ponuđač Deling d.o.o. Tuzla nije jednoznačno naveo u ponudi koji transformator nudi**

U Tabeli tehničkih karakteristika na strani 10 i 19 tenderske dokumentacije u tački 7 navedeno je da Način hlađenja za transformator treba da bude „Način hlađenja: **ANAN**“, također isto je potvrđeno na strani 60 tenderske dokumentaciji u tački 3.6.1 u listi tehničkih podataka za transformator gdje je navedeno „12. Način hlađenja: **ANAN**“.

Ponuđač DELING d.o.o. Tuzla je na strani 87 ponude u detaljnom tehničkom opisu razvodnog postrojenja , u tački 3.6.1 u listi tehničkih podataka za transformator naveo „12. Način hlađenja: **ONAN**“.

**Radi se o dva potpuno različita načina hlađenja transformatora:**

- **ONAN** – hlađenje prirodnim strujanjem ulja oko namota, i vazduha kao sekundarnog rashladnog sredstva (uljni transformatori do 20 MVA).
- **ANAN** – suhi transformatori sa zaštitnim kućištem i prirodnim strujanjem vazduha unutar i izvan kućišta.

Premet nabavke je suhi transformator te princip hlađenja ONAN ne može biti prihvatljiv za Ugovorni organ.

**Obzirom da ponuđeni transformator ne odgovara traženom, potrebno je odbaciti ponudu ponuđača Deling d.o.o. Tuzla kao neodgovarajuću.**

Pored navedenog, u Tabeli tehničkih karakteristika na strani 10 i 19 tenderske dokumentacije u tački 7 navedeno je da Priključci (VN/NN) za transformator trebaju da budu „**Provodni izolatori**“, također isto je potvrđeno na strani 60 tenderske dokumentaciji u tački 3.6.1 u listi tehničkih podataka za transformator „16. Priključci: **Provodni izolatori**“.

Ponuđač DELING d.o.o. Tuzla je na strani 88 ponude u detaljnom tehničkom opisu razvodnog postrojenja u tački 3.6.1 u listi tehničkih podataka za transformator naveo „16. Priključci (VN/NN): **Provodni izolatori / ili drugi odgovarajući priključci**“. Što je protivno Zakonu o javnim nabavkama, jer nije jasno šta je ponuđač ponudio, te nije moguće uporediti ponudu ponuđača Deling d.o.o. Tuzla sa ponudama drugih ponuđača.

**Obzirom da ponuđeni transformator ne odgovara traženom, potrebno je odbaciti ponudu ponuđača Deling d.o.o. Tuzla kao neodgovarajuću.**

**3. Ponuđač Deling d.o.o. Tuzla je nije u ponudi dostavio cjelovit tipski certifikat broj B1031245**

Na strani 22 tenderske dokumentacije navedeno je:

„Uz ponudu obavezno dostaviti *Tipske certifikate za 12 kV razvodno postrojenje o sigurnosti pri pojavi internog kvara i internog luka za ponuđeno postrojenje prema tehničkom opisu razvodnih postrojenja datom u Aneksu 12 tenderske dokumentacije*“

Na strani 26 tenderske dokumentacije navedeno je:

„e) Ponuđač mora imati mogućnost da uz ponudu kupcu dostavi slijedeće:

Tipski atest za 12 kV razvodno postrojenje o sigurnosti pri pojavi internog kvara i internog luka za vrijednosti struja i napona po Tabeli- parametri sistema u Tehničkom opisu razvodnih postrojenja datom u Aneksu 12 tenderske dokumentacije.“

U tački 7.4.2 navedeno je da su ponuđači dužni dostaviti:

„e) Dostavljen uz ponudu Tipski atest za 12 kV razvodno postrojenje o sigurnosti pri pojavi internog kvara i internog luka za vrijednosti struja i napona po Tabeli- parametri sistema u Tehničkom opisu predmeta nabavke datom u Aneksu 12 tenderske dokumentacije.“

Ponuđač Deling d.o.o. Tuzla je dostavio:

- na strani 111 ponude **dio** tipskog certifikata broj B1031245 i
- na strani 104 ponude **dio** tipskog certifikata broj B1036917.

Na tipskom certifikatu B1031245 na strani 111 ponude navedeno je: „No. of pages 24“ „No. of pages annexed 7“ U prijevodu na bosanski jezik: „**Br. Stranica 24**“ „**Br. Stranica aneksa 7**“

**Ponuđač je na stranama ponude od 111 do 121 dostavio 11 strana certifikata.** Dakle, u ponudi nisu dostavljene sve stranice tipskog certifikata, te ponuda ponuđača Deling d.o.o. Tuzla treba biti odbijena kao nepotpuna.

#### 4. Ponuđač Deling d.o.o. Tuzla je nije u ponudi dostavio cjelovit tipski certifikata broj B1036917

Na tipskom certifikatu B1036917 na strani 108 navedeno je:

„The following reference documents are integral part of this Certificate:

No.	Description	CESI registration
1	CESI Test Report	B1029314
2	CESI Test Report	B1030032
3	CESI Test Report	B1030798
4	Manufacturer's drawings	B1032239“

U prijevodu na bosanski jezik:

„Sljedeći referentni dokumenti su sastavni dio ovog certifikata:

RB.	Opis	CESI registracija
1	CESI Test izvještaj	B1029314
2	CESI Test izvještaj	B1030032
3	CESI Test izvještaj	B1030798
4	Proizvođačevi nacrti	B1032239“

Ponuđač Deling d.o.o. Tuzla nije dostavio kompletan tipski certifikat već samo dio istog. Obzirom da ponuda ne sadrži kompletnu dokumentaciju potrebno je odbaciti ponudu ponuđača Deling d.o.o. Tuzla kao nepotpunu.

#### 5. Ponuđač Deling d.o.o. Tuzla nije dostavio tipske certifikate koji odgovaraju ćelijama koje nudi

Ćelije koje ponuđač Deling d.o.o. Tuzla nudi, sadržane su od opreme koja je navedena u tabeli tehničkih specifikacija na strani 59 ponude. Pa tako, odvodne ćelije sadrže:

- **Vakumske prekidače tip VM1 12.12.32**
- **Uzemljivač tip ST-E 12.32**

Na tipskom certifikatu B1036917 na strani 107 ponude ponuđača Deling d.o.o. Tuzla navedeno je da je u ćeliju ugrađen:

- Vakumski prekidač tip VD4/p 12.25.32
- Uzemljivač ST-E 17.31 275

Dakle radi se o ćelijama koje sadrže u potpunosti različite komponente, jedina zajednička komponenta im je naziv „DELS“. Prekidač tip VM1 i prekidač tip VD4/p su dva potpuno različita uređaja, čiji princip rada nije niti sličan, to su dva potpuno različita, dijametralno suprotna tipa prekidača. VM1 prekidač je srednje naponski vakumski prekidač sa magnetnim aktuatorom dok je VD4/p srednje naponski vakumski prekidač sa modularnim mehanizmom rada. To što ponuđač Deling d.o.o. i ćelije sa vakumskim prekidačem tip VM1 12.12.32 i ćelije sa vakumskim prekidačem VD4/p 12.25.32 naziva „DELS“ ne znači da se radi o istom tipu ćelija. Tip ćelije čini oprema koja se nalazi u njoj. **Ponuđač nije dostavio tipske certifikate za tip ćelije koji nudi.** Laboratorija CESI koja je testirala i izdala tipski certifikat garantuje samo za ispravnost ćelije u koju je ugrađen VD4/p 12.25.32. Na stranici 104 ponude ponuđača Deling d.o.o. Tuzla, na prvoj stranici tipskog certifikata B1036917 navedeno je: „*The apparatus, constructed in accordance with the description, drawings and photographs incorporated in the reference documents identified in this Certificate, has been subjected to the series of proving tests in accordance with IEC 62271-200 (2003-11) Clauses 6.2, 6.4 and 6.5.*“ „*The Certificate applies only to the apparatus tested.*“ ili u prijevodu: „*Aparat koji je konstruisan u skladu sa opisom, crtežima i fotografijama iz referentnih dokumenata identificiranih ovim certifikatom, se podvrgao nizu testiranja u cilju dokazivanja u skladu sa standardom IEC 62271-200 (2003-11) klauzule 6.2, 6.4 i 6.5*“ **„Certifikat se odnosi samo na testiranu opremu.“**

Ponuđač Deling d.o.o. Tuzla nije dostavio u sklopu ponude Tipske certifikate za tip ćelija koje nudi, stoga ponuda ponuđača Deling d.o.o. Tuzla treba biti odbijena kao nepotpuna.

Isti je slučaj sa tipskim certifikatom B1031245. Na tipskom certifikatu B1031245 na strani 131 ponude navedeno je da je u ćeliju ugrađen: Vakumski prekidač tip VD4/p 12.25.32.

Na tipskom certifikatu B1031245 na stranici 111 ponude navedeno je:

„*The results reported in this document relate only to the tested samples/items.*“ ili u prijevodu: „**Rezultati ovog dokumenta se odnose samo na testirane uzorke / artikle.**“

Dakle dostavljeni tipski certifikat B1031245 ne odnosi se na tip ćelija koje ponuđač nudi u predmetnom postupku, te ponuda ponuđača Deling d.o.o. Tuzla treba biti odbijena kao nepotpuna. Ponuđač Deling d.o.o. Tuzla nije dostavio dokaz da je postrojenje koje nudi, DELS sa vakumskim prekidačem tip VM1 12.12.32 i uzemljivačem tip ST-E 12.32 testirano i da je pokazalo ispravne performanse. Postrojenje koje ponuđač Deling d.o.o. Tuzla nudi nema dokaze da je postrojenje koje nudi sigurno od pojave internog kvara i luka.

Ponuda ponuđača Deling d.o.o. Tuzla treba biti odbijena kao nepotpuna jer ponuđeno postrojenje ne ispunjava zahtjeve tendera i nije sigurno za rad.

#### 6. Ponuda ponuđača DELING d.o.o. Tuzla ne ispunjava uslove za primjenu preferencijalnog tretmana

U tački 9. 2. PREFERENCIJALNI TRETMAN DOMAĆEG tenderske dokumentacije navedno je:

„9.2.4 U svrhu dokazivanja da ispunjavaju uslove za primjenu preferencijalnog tretmana domaćeg ponuđači su dužni dostaviti Potvrdu Vanjskotrgovinske komore BiH.“

## 1.1

Ponuđač DELING d.o.o. Tuzla je na strani 36 ponude dostavio potvrdu na kojoj je navedeno:

„Potvrđuje se da niže navedene robe zadovoljavaju uvjete za izdavanje certifikata o bh porijeklu:

1. Postrojenje RP-TO1 12 kV, 2000A, 31,5 kA sastavljeno od **10 8deset 12 kV ćelija**
2. Postrojenje RP-TO2 12 kV, 2000A, 31,5 kA sastavljeno od 7 (sedam) 12 kV ćelija“

Postrojenje RP-TO1 koje je predmetnom nabavke ne sastoji se od 108 ćelija. Dakle potvrda je dostavljena za pogrešno postrojenje. Postrojenje koje se navodi u potvrdi na strani 36 ponude nije predmetom nabavke.

## 1.2

Preferencijalni tretman roba treba da se dokaže uzimajući sve robe koje su predmetom nabavke, a ne parcijalno.

U tenderskoj dokumentaciji navedeno je:

„9.2.3 Domaćim ponudama se smatraju ponude koje dostave pravna ili fizička lica sa sjedištem u BiH i kod kojih, u slučaju ugovora o javnoj nabavci roba, najmanje **50% vrijednosti ponuđenih roba imaju porijeklo iz BiH**, a u slučaju ugovora o uslugama i radovima, najmanje 50% radne snage za izvršenje ugovora su rezidenti iz BiH.“

U tački 6. Navedeno je da se „Roba se dostavlja prema sljedećoj tehničkoj specifikaciji:“ te je data specifikacija roba, te je navedeno:

	Količina [kom.]	
I	Postrojenje RP-T01	
1.	Dovod iz GTS „Banovići“	1
2.	Odvodna ćelija za RP-T02	1
3.	Odvodne ćelije za MT-1, MT-2 i Rezervna ćelija	1
4.	Odvodne ćelije za DP-1, DP-2 i DP-3	3
5.	Odvodna ćelija za kućni transformator	3
6.	Mjerna ćelija	1
7.	Transformator vlastite potrošnje	1
8.	AC/ DC ORMAR	1
9.	ISPRAVLJAČ I AKU BATERIJA	1
II	Postrojenje RP-T02	
1.	Dovod iz TS „Čubrić“ ćelija	1
2.	Odvodna ćelija za RP-T01	1
3.	Odvodne ćelije za RP-T03 i Rezervna ćelija	1
4.	Odvodna ćelija za MT3	2
5.	Odvodna ćelija za kućni transformator	1
6.	Mjerna ćelija	1
7.	Transformator vlastite potrošnje	1
8.	AC/ DC ORMAR	1
9.	ISPRAVLJAČ I AKU BATERIJA	1

### III | UPRAVLJAČKO ZAŠTITNI UREĐAJI

Kao što je vidljivo iz gore navednog pored postrojenja sačinjenog od ćelija, predmetom nabavke su i:

- Transformator vlastite potrošnje 2 kom
- AC/ DC ORMAR 2 kom
- ISPRAVLJAČ I AKU BATERIJA 2 kom
- UPRAVLJAČKO ZAŠTITNI UREĐAJI

za koje Ponuđač Deling d.o.o. Tuzla nije dostavio Potvrdu Vanjskotrgovinske komore BiH.

U dostavljenoj potvrdi Vanjskotrgovinske komore BiH ne spominju se:

- Transformator vlastite potrošnje 2 kom
- AC/ DC ORMAR 2 kom
- ISPRAVLJAČ I AKU BATERIJA 2 kom
- UPRAVLJAČKO ZAŠTITNI UREĐAJI

#### X.3

Ugovorni organ je Odlukom o dopuni tenderske dokumentacije broj 13357/18 od **09.07.2018.** dopunio specifikaciju datu u tački 6 tenderske dokumentacije na način: „U tački 6.1.1 u tabeli tehničke karakteristike u grupama I i II na poziciji 7 u koloni „Količina“ dodaje se broj „1““. Ugovorni organ je također Odlukom o dopuni tenderske dokumentacije broj 14139/18 od **25.07.2018.** dopunio specifikaciju datu u tački 6 tenderske dokumentacije. Ponuđač DELING d.o.o. Tuzla je na strani 36 ponude dostavio potvrdu koja je izdata **27.06.2018.** dakle prije izmjena koje su nastale u tenderskoj dokumentaciji. Dostavljena potvrda ne odražava sve ponuđene robe u predmetnoj nabavci. Specifikacija koja je mogla biti dostavljena Vanjskotrgovinskoj komori nije sadržavala sve robe koje su predmetom nabavke.

Obzirom na gore navedeno potrebno je isključiti opciju primjene preferencijalnog tretmana na ponuđača DELING d.o.o. Tuzla, jer isti nije dokazan priloženom Potvrdom.

**7. Ponuđač Deling d.o.o. Tuzla nije dostavio autorizacije tražene tenderskom dokumentacijom za postrojenja:**  
- Postrojenje RP-TO1 12 kV 2000 A, 31,5 kA sastavljeno od 10 (deset) 12 kV ćelija  
- Postrojenje RP-TO2 12 kV 2000 A, 31,5 kA sastavljeno od 7 (sedam) 12 kV ćelija

Ugovorni organ je Odlukom o dopuni tenderske dokumentacije broj 13365/18 od **09.07.2018.** dopunio tendersku dokumentaciju na način:

„U tački 7.4.1 b) TD riječi koje glase:

„Autorizacija proizvođača za isporuku razvodnih postrojenja iz dostavljene ponude, za slučaj da ponuđač nudi robu koju nije sam proizveo“ Mijenja se i glasi

„U slučaju da ponuđač nudi predmetnu robu (koju nije sam proizveo ili nije ovlaštenu distributer proizvođača predmetne robe) u cilju dokazivanja profesionalne i tehničke sposobnosti ponuđača da nabavi i izvrši isporuku nove predmetne robe zahtijeva se da:

-Ponuđač koji nudi predmetnu robu (koju nije sam proizveo ili nije ovlaštenu distributer proizvođača robe) mora posjedovati autorizaciju proizvođača predmetne robe ili ovlaštenog distributera predmetne robe kojom dokazuje

da je ponuđač prodajno, tehnički i profesionalno osposobljen da nudi i izvrši isporuku predmetne robe proizvođača koja je predmet ponude istog za RMU „Banovići“ po javnoj nabavci broj C-R-I 04/18.

ili  
U slučaju da ponuđač nudi predmetnu robu (a ovlaštenu je distributer proizvođača predmetne robe) u cilju dokazivanja profesionalne i tehničke sposobnosti ponuđača da nabavi i izvrši isporuku predmetne robe zahtijeva se da:

- Ponuđač koji nudi predmetnu robu (a ovlaštenu je distributer proizvođača predmetne robe) mora posjedovati odgovarajuće dokumente (ugovore, ovlaštenje za zastupanje i sl.) kojima dokazuje status ovlaštenog distributera te da je prodajno, tehnički i profesionalno osposobljen da nudi i izvrši isporuku predmetne robe proizvođača koja je predmet ponude istog za RMU „Banovići“ po javnoj nabavci broj C-R-I 04/18.“

U tački 6. Navedeno je da se „Roba se dostavlja prema sljedećoj tehničkoj specifikaciji.“ te je data specifikacija roba, te je navedeno:

I	Postrojenje RP-T01	Količina [kom.]
1.	Dovod iz GTS „Banovići“	1
2.	Odvodna ćelija za RP-T02	1
3.	Odvodne ćelije za MT-1, MT-2 i Rezervna ćelija	1
4.	Odvodne ćelije za DP-1, DP-2 i DP-3	3
5.	Odvodna ćelija za kućni transformator	3
6.	Mjerna ćelija	1
7.	<b>Transformator vlastite potrošnje</b>	1
8.	<b>AC/ DC ORMAR</b>	1
9.	<b>ISPRAVLJAČ I AKU BATERIJA</b>	1
II	Postrojenje RP-T02	
1.	Dovod iz TS „Čubrić“ ćelija	1
2.	Odvodna ćelija za RP-T01	1
3.	Odvodne ćelije za RP-T03 i Rezervna ćelija	1
4.	Odvodna ćelija za MT3	2
5.	Odvodna ćelija za kućni transformator	1
6.	Mjerna ćelija	1
7.	<b>Transformator vlastite potrošnje</b>	1
8.	<b>AC/ DC ORMAR</b>	1
9.	<b>ISPRAVLJAČ I AKU BATERIJA</b>	1
III	<b>UPRAVLJAČKO ZAŠTITNI UREĐAJI</b>	

Ponuđač Deling d.o.o. Tuzla je na stranicama ponude 59 do 78 dostavio popunjenu tabelu „Tehničke karakteristike predmetne opreme za koju je navedeno:

	Postrojenje RP-T01 12kV, 2000A, 31,5kA sastavljeno od 10 (deset) 12kV ćelija	Količina [kom.]	Proizvođač: Deling d.o.o. Tuzla
2.1.	Izvlačivi vakumski prekidač sa magnetnim pogonom	1	Proizvođač: ABB



2.2.	Strujni mjerni transformatori, sekundarno prespojivi	3	Proizvođač: ABB
2.3.	Uzemljivač	1	Proizvođač: ABB
3.1.	Izvlačivi vakumski prekidač sa magnetnim pogonom	1	Proizvođač: ABB
3.2.	Strujni mjerni transformatori, sekundarno prespojivi	3	Proizvođač: ABB
3.3.	Uzemljivač	1	Proizvođač: ABB
4.1.	Izvlačivi vakumski prekidač sa magnetnim pogonom	1	Proizvođač: ABB
4.2.	Strujni mjerni transformatori, sekundarno prespojivi	3	Proizvođač: ABB
4.3.	Uzemljivač	1	Proizvođač: ABB
5.1.	Izvlačivi vakumski prekidač sa magnetnim pogonom	1	Proizvođač: ABB
5.2.	Strujni mjerni transformatori, sekundarno prespojivi	3	Proizvođač: ABB
5.3.	Uzemljivač	1	Proizvođač: ABB
6.1.	Jednopolno izolovani naponski mjerni transformatori sa ugrađenim VN osiguračima sa udarnom iglom	3	Proizvođač: ABB
7.	<b>Transformator vlastite potrošnje</b>	1	
8.	<b>AC/ DC ORMAR</b>	1	
9.	<b>ISPRAVLJAČ I AKU BATERIJA</b>	1	
	1. Ispravljač		Proizvođač: Benning
	2. AKU baterija		Proizvođač: GNB

	Postrojenje RP-T02 12kV, 2000A, 31,5kA sastavljeno od 7 (sedam) 12kV ćelija	1	Proizvođač: Deling d.o.o. Tuzla
1.1.	Izvlačivi vakumski prekidač sa magnetnim pogonom	1	Proizvođač: ABB
1.2.	Strujni mjerni transformatori, sekundarno prespojivi	3	Proizvođač: ABB
1.3.	Uzemljivač	1	Proizvođač: ABB
2.1.	Izvlačivi vakumski prekidač sa magnetnim pogonom	1	Proizvođač: ABB
2.2.	Strujni mjerni transformatori, sekundarno prespojivi	3	Proizvođač: ABB
2.3.	Uzemljivač	1	Proizvođač: ABB
3.1.	Izvlačivi vakumski prekidač sa magnetnim pogonom	1	Proizvođač: ABB
3.2.	Strujni mjerni transformatori, sekundarno prespojivi	3	Proizvođač: ABB
3.3.	Uzemljivač	1	Proizvođač: ABB
4.1.	Izvlačivi vakumski prekidač sa magnetnim pogonom	1	Proizvođač: ABB
4.2.	Strujni mjerni transformatori, sekundarno prespojivi	3	Proizvođač: ABB
4.3.	Uzemljivač	1	Proizvođač: ABB
5.1.	Izvlačivi vakumski prekidač sa magnetnim pogonom	1	Proizvođač: ABB
5.2.	Strujni mjerni transformatori, sekundarno prespojiv	3	Proizvođač: ABB
5.3.	Uzemljivač	1	Proizvođač: ABB
6.1.	Jednopolno izolovani naponski mjerni transformatori sa ugrađenim VN osiguračima sa udarnom iglom	3	Proizvođač: ABB
7.	<b>Transformator vlastite potrošnje</b>	1	
8.	<b>AC/ DC ORMAR</b>	1	
9.	<b>ISPRAVLJAČ I AKU BATERIJA</b>	1	
	1. Ispravljač		Proizvođač: Benning
	2. AKU baterija		Proizvođač: GNB

<b>III</b>	<b>UPRAVLJAČKO ZAŠTITNI UREĐAJI</b>		Proizvođač: ABB
------------	-------------------------------------	--	-----------------

Ponudač Deling d.o.o. Tuzla na stranici 56 dostavio vlasitu izjavu u kojoj je navedeno:

„Firma Deling d.o.o. Tuzla kao proizvođač SN postrojenja tip: DELS i ponuđač u predmetnom postupku javne nabavke, potvrđuje da ćemo proizvesti robu koju nudimo RMU „Banovići“ po javnoj nabavci C-R-I 04/18 i to\_

1. Postrojenje RP-TO1 12 kV 2000 A, 31,5 kA sastavljeno od 10 (deset) 12 kV ćelija
2. Postrojenje RP-TO2 12 kV 2000 A, 31,5 kA sastavljeno od 7 (sedam) 12 kV ćelija“

**Ponuđač DELING d.o.o. Tuzla nije dostavio autorizaciju traženu tenderskom dokumentacijom:**

„Ponuđač koji nudi predmetnu robu (koju nije sam proizveo ili nije ovlaštenu distributer proizvođača robe) mora posjedovati autorizaciju proizvođača predmetne robe ili ovlaštenog distributera predmetne robe kojom dokazuje da je ponuđač prodajno, tehnički i profesionalno osposobljen da nudi i izvrši isporuku predmetne robe proizvođača koja je predmet ponude istog za RMU „Banovići“ po javnoj nabavci broj C-R-I 04/18.“

**Ponuđač nije naveo da je prodajno, tehnički i profesionalno osposobljen da nudi i izvrši isporuku :**

1. Postrojenje RP-TO1 12 kV 2000 A, 31,5 kA sastavljeno od 10 (deset) 12 kV ćelija
2. Postrojenje RP-TO2 12 kV 2000 A, 31,5 kA sastavljeno od 7 (sedam) 12 kV ćelija za RMU „Banovići“ po javnoj nabavci broj C-R-I 04/18.

**Ponuđač Deling d.o.o. Tuzla nije dostavio ispravnu autorizaciju za postrojenje.**

Obzirom da ponuđač nije dostavio tražene autorizacije, potrebno je odbiti ponudu ponuđača DELING d.o.o. Tuzla kao nepotpunu.

**8. Ponuđač Deling d.o.o. Tuzla nije dostavio autorizaciju proizvođača ABB, koja je zahtijevana tenderskom dokumentacijom za:**

- Izvlačive vakumske prekidače sa magnetnim pogonom
- Strujne mjerne transformatore, sekundarno prespojive
- Uzemljivače
- Jednopolno izolovane naponske mjerne transformatore sa ugrađenim VN osiguračima sa udarnom iglom
- Upravljačko zaštitne uređaje

Ugovorni organ je jasno naveo zahtjev „Ponuđač koji nudi predmetnu robu (koju nije sam proizveo ili nije ovlaštenu distributer proizvođača robe) mora posjedovati autorizaciju proizvođača predmetne robe ili ovlaštenog distributera predmetne robe kojom dokazuje da je ponuđač prodajno, tehnički i profesionalno osposobljen da nudi i izvrši isporuku predmetne robe proizvođača koja je predmet ponude istog za RMU „Banovići“ po javnoj nabavci broj C-R-I 04/18.“

**Deling d.o.o. Tuzla nije sam proizveo i nije ovlaštenu distributer:**

- Izvlačivih vakumskih prekidača sa magnetnim pogonom
- Strujnih mjernih transformatora, sekundarno prespojivih
- Uzemljivača
- Jednopolno izolovanih naponsko mjernih transformatora sa ugrađenim VN osiguračima sa udarnom iglom
- Upravljačko zaštitnih uređaja.

Obzirom da ponuđač nije dostavio tražene autorizacije proizvođača ABB, potrebno je odbiti ponudu ponuđača DELING d.o.o. Tuzla kao nepotpunu.

**9. Ponuđač Deling d.o.o. Tuzla nije dostavio autorizaciju proizvođača Bening , koja je zahtijevana tenderskom dokumentacijom za Ispravljač.**

Deling d.o.o. Tuzla nije sam proizveo i nije ovlašteni distributer ispravljača koje nudi.

Obzirom da ponuđač nije dostavio tražene autorizacije i dokaze za Ispravljač proizvođača Bening, potrebno je odbiti ponudu ponuđača DELING d.o.o. Tuzla kao nepotpunu.

**10. Ponuđač Deling d.o.o. Tuzla nije dostavio autorizaciju proizvođača GNB , koja je zahtijevana tenderskom dokumentacijom za AKU bateriju.**

Deling d.o.o. Tuzla nije sam proizveo i nije ovlašteni AKU baterije koju nudi.

Obzirom da ponuđač nije dostavio tražene autorizacije i dokaze za AKU baterije koju nudi, potrebno je odbiti ponudu ponuđača DELING d.o.o. Tuzla kao nepotpunu.

**11. Deling d.o.o. Tuzla nije dostavio ponudu sa svim numerisanim stranicama.**

U tenderskoj dokumentaciji u tački 8.1 PRIPREMA PONUDE u tački 8.1.4 navedeno je:  
*„Sve strane ponude moraju biti numerisane na način da je vidljiv redni broj stranice ili lista“*

**Ponuđač Deling d.o.o. Tuzla nije numerisao sve stranice ponude.**

**Svaki list ima dvije strane.**

**Ponuđač je numerisao listove, a ne strane ponude.**

Obzirom da ponuđač nije numerisao stranice u skladu sa zahtjevom ugovornog organa, potrebno je odbiti ponudu ponuđača Deling d.o.o. Tuzla kao nepotpunu.

**12. Ponuđač Deling d.o.o. Tuzla nije dostavio izjave iz člana 45, 47 i 52 u skladu sa Formom propisanom Zakonom o javnim nabavkama**

Na formi izjava:

- Aneks 5 tenderske dokumentacije Izjava o ispunjenosti uslova iz člana 45. stav (1) tačkaka od a) do d) Zakona o javnim nabavkama BiH („Službeni glasnik BiH“ broj: 39/14)
- Aneks 6 tenderske dokumentacije Pismena izjava iz člana 52 Zakona o javnim nabavkama
- Aneks 8 tenderske dokumentacije Izjava o ispunjenosti uslova iz člana 47. st. (1) tačkaka od a) do d) i (4) Zakona o javnim nabavkama („Službeni glasnik BiH“ broj 39/14)

Navedeno je „*Navesti tačan naziv i vrstu postupka javne nabavke*“.

Ponuđač na dostavljenim izjavama na stranici 11, 29 i 33 ponude nije naveo tačanu vrstu postupka javne nabavke.

Obzirom da ponuđač Deling d.o.o. Tuzla nije dostavio izjave iz člana 45, 47 i 52 u skladu sa zahtjevom ugovornog organa, potrebno je odbiti ponudu ponuđača Deling d.o.o. Tuzla kao nepotpunu.

**13. Ponuđač Deling d.o.o. Tuzla je na strani 53 ponude dostavio Izjavu o pregledu primjenjenih standarda na engleskom jeziku bez ovjere na jedan od službenih jezika u BiH**

U tenderskoj dokumentaciji u tački 8.1.3 navedeno je:

„Ponuda i svi dokumenti i korespondencija u vezi sa ponudom između ponuđača i ugovornog organa moraju biti napisani na jednom od službenih jezika u Bosni i Hercegovini.... Pod zvaničnim prevodom se smatra prevod ovjeren o strane sudskog prevodioca.“

Izjava dostavljena na stranama od 52 do 54 predstavlja korespondenciju ponuđača sa ugovornim organom. Deling d.o.o. Tuzla je autor izjave, te je bio dužan uz istu dostaviti prijevod ovjeren o strane sudskog prevodioca na jednom od službenih jezika u Bosni i Hercegovini.

Obzirom da ponuđač Deling d.o.o. Tuzla nije dostavio prijevod ovjeren o strane sudskog prevodioca na jednom od službenih jezika u Bosni i Hercegovini u skladu sa zahtjevom ugovornog organa, potrebno je odbiti ponudu ponuđača Deling d.o.o. Tuzla kao nepotpunu.

**14. Ponuđač Deling d.o.o. Tuzla nije jednoznačno naveo koji strujno mjerni transformator nudi**

Na strani 64 ponude ponuđača Deling d.o.o. Tuzla za Odvodnu ćeliju za kućni transformator na poziciji 5.2 „Strujni mjerni transformatori, sekundarno prespojivi naveden je tip TPU 40.23.

Na strani 90 ponude data je jednopolna šema za Postrojenje RP-T01 na kojoj je navedeno za ćeliju Kućni transformator TPU 40.13.

Ugovorni organ je na Dostavljenim jednopolnim šemama u tenderskoj dokumentaciji naveo traženi tip za ćeliju Kućni transformator TPU 40.13.

Obzirom da nije jasno šta je ponuđač Deling d.o.o. Tuzla ponudio , potrebno je odbaciti ponudu ponuđača Deling d.o.o. Tuzla kao nepotpunu.

**15. Ponuđač Deling d.o.o. Tuzla je dostavio netačne podatke za veličinu ćelija.**

U tabeli tehničkih karakteristika na strani 59 ponuđač Deling d.o.o. Tuzla naveo je dimenzije odvodnih ćelija 2160 x 600 x 1550 mm (V x 5 x D). U istoj tabeli navedeno je da se radi o postrojenju koje ima nazivnu struju sabirnica 2500 A.

U kataloškoj dokumentaciji za postrojenje DELS na strani 163 ponude navedeno da ćelije nazivnog napona 12 kV, nazivne struje 2500A imaju širinu 1000 mm.

U kataloškoj dokumentaciji za postrojenje DELS na strani 165 ponude navedeno da ćelije nazivnog napona 12 kV, nazivne struje 2500A imaju dimenzije 2160 ili 2600 x 1000 x 1550 mm (V x 5 x D).

Uzimajući u obzir stvarnu širinu ćelije, postrojenje sačinjeno od 10 ćelija sa stvarnom veličinom 1000 mm po ćeliji, izlazi van dozvoljenih odstupanja +/- 10% od dimenzija zadatih u Aneksu 4, koja je Ugovorni organ naveo u Odluci o izmjeni tenderske dokumentacije na strani 14563/18 od 01.08.2018. godine.

Obzirom da ponuđeno postrojenje ne odgovara traženim dimenzijama, potrebno je da Ugovorni organ odbije ponudu ponuđača Deling d.o.o. Tuzla kao nepotpunu.

**16. Ponuđač Deling d.o.o. Tuzla je umjesto strujnih mjernih transformatora ponudio kombinovane senzore za struju**

Na stranici 57 tenderske dokumentacije navedeno je:

„3.1. Konstrukcija ćelija i blokade

Svaka ćelija, metalom oklopljena, mora biti kasetnog tipa. Dimenzije ćelija su ograničene raspoloživim prostorom i konstrukcijom kućišta razvodnog postrojenja. Ćelija treba biti podijeljena u slijedeće odjeljke:

- Sabirnički dio koji sadržava 3 jednofazne bakrene sabirnice i spoj prema odjeljku kolica,
- Kasetna sa izvlačivim dijelom - kolicima,
- **Kablovski dio koji sadrži strujne transformatore, uzemljivač i prostor za priključenje kablova,**
- NN dio za smještaj pomoćne opreme.“

U detaljnom tehničkom opisu ponuđača Deling d.o.o. Tuzla na strani 84 navedeno je u tački 3.1. Konstrukcija ćelija i blokade u tački 3:

„Kablovski dio koji sadrži **kombinovane senzore za struju i napon**, uzemljivač i prostor za priključenje kablova“

Pregledom dostavljene ponude izabranog ponuđača u odnosu na navode iz žalbe utvrđeno je da je žalba djelimično osnovana iz sljedećih razloga:

1. Žalbeni navod pod rednim brojem 1. je neosnovan iz razloga što je Ugovorni organ u tački 7.4.2. jasno naveo u pod tačkom e) "Dostavljen uz ponudu Tipiski atest za 12 kV razvodno postrojenje o sigurnosti pri pojavi internog kvara i internog luka za vrijednosti struja i napona po Tabeli- parametri sistema u Tehničkom opisu predmeta nabavke datom u Aneksu 12 tenderske dokumentacije." Obzirom da je zahtijevan dokaz tražen tačkom 7.4. – Tehnička i profesionalna sposobnost, isti ne spada u kategoriju štampana literatura, brošure i kataloge. Štampana literatura, brošure i katalogi predstavljaju reklamni materijal ponuđača i njima se ne dokazuje ispunjavanje uslova traženih T.D.
2. Uvidom u Ponudu ponuđača „Deling“ d.o.o. i Tendersku dokumentaciju Ugovorni organ je utvrdio da je žalbeni navod pod rednim brojem 2 osnovan.
3. Žalbeni navodi pod rednim brojem 3. i 4. su neosnovani iz sljedećeg razloga:  
Ugovorni organ je tražio da se uz Ponudu dostavi **Tipiski atest za 12 kV razvodno postrojenje o sigurnosti pri pojavi internog kvara i internog luka za vrijednosti struja i napona po Tabeli- parametri sistema u Tehničkom opisu razvodnih postrojenja** datom u Aneksu 12 tenderske dokumentacije.  
Prve stranice tipiskih atesta ne sadrže sve tehničke karakteristike postrojenja koje je podvrgnuto testiranju pa se na osnovu njih ne može procijeniti za koje postrojenje je izdat tipiski atest i ne može potvrditi tehnička i profesionalna sposobnost Ponuđača.  
Tipiski atest B1036917 se sastoji od pet strana koje je firma Deling i dostavila.  
Tipiski atest B1031245 se sastoji od 11 strana koje je firma Deling i dostavila.  
Na strani 123 Ponude a strani 1/1 Tipiskog atesta B1036917 je navedeno da su rezultati testa priloženi uz test izvještaj koji UO nije tražio.
4. Uvidom u ponudu izabranog ponuđača „Deling“ d.o.o. Tuzla i Tendersku dokumentaciju Ugovorni organ je utvrdio da je žalbeni navod pod rednim brojem 5. osnovan.
5. Žalbeni navod pod rednim brojem 6. je neosnovan iz razloga što se radi o štamparskoj grešci jer se jasno vidi da je napisano 10 slovima i brojem.  
Ugovorni organ prihvata dokaz dostavljen od Vanjskotrgovinske komore kao organa koji je relevantan za utvrđivanje prava za ostvarivanje preferencijalnog tretmana.
6. Žalbeni navodi pod rednim brojevima 7-10 su neosnovani iz razloga što je predmet nabavke 2 kompletna razvodna postrojenja i to RP-T01 i RP-T02. Autorizacija je tražena za ponuđače predmetne robe koju nije sam proizveo ili nije ovlaštenu distributer. U ponudi ponuđača „Deling“ d.o.o. Tuzla jasno je navedeno da je proizvođač razvodnih postrojenja RP-T01 i RP-T02 „Deling“ d.o.o. Tuzla i na osnovu čega su navedena postrojenja dobila preferencijalni tretman po Potvrdi izdatoj od strane Vanjskotrgovinske komore BiH.
7. Žalbeni navod pod rednim brojem 11. je neosnovan iz sljedećeg razloga:  
Ugovorni organ je u tenderskoj dokumentaciji u tački 8.1.4 propisao: "Ponuda se izrađuje na način da čini cjelinu i mora biti napisana neizbrisivom tintom. Ispravke u ponudi moraju biti izrađene na način da su vidljive i potvrđene potpisom ponuđača, uz navođenje datuma ispravke. Svi listovi ponude moraju biti čvrsto uvezani na način da se onemoguću naknadno vađenje ili umetanje listova, osim garantnih dokumenata. Dijelovi ponude kao što su uzorci, katalogi, mediji za pohranjivanje podataka i sl. koji ne mogu biti uvezani, ponuđač obilježava nazivom i navodi u sadržaju ponude kao dio ponude. Sve strane ponude moraju biti numerisane na način da je vidljiv redni broj stranice ili lista, u skladu sa članom 8. stav (6) i (7) Uputstva za pripremu modela tenderske dokumentacije i ponude. Ako ponuda sadrži štampanu literaturu, brošure, kataloge i sl. koji imaju izvorno numerisane brojeve, onda se ti dijelovi ponude ne moraju dodatno numerisati".  
Ugovorni organ smatra da je izabrani ponuđač postupio u skladu sa navedenom tačkom.
8. Žalbeni navod pod rednim brojem 12. je neosnovan iz razloga što nenavođenje tačne vrste postupka ne utiče na suštinu predmeta nabavke. Osim toga u predmetnim aneksima je naveden broj obavještenja predmetne nabavke.
9. Uvidom u Ponudu ponuđača „Deling“ d.o.o. Tuzla i Tendersku dokumentaciju Ugovorni organ je utvrdio da je žalbeni navod pod rednim brojem 13. osnovan.
10. Uvidom u Ponudu ponuđača „Deling“ d.o.o. Tuzla i Tendersku dokumentaciju Ugovorni organ je utvrdio da je žalbeni navod pod rednim brojem 14. osnovan.
11. Uvidom u Ponudu ponuđača „Deling“ d.o.o. Tuzla i Tendersku dokumentaciju Ugovorni organ je utvrdio da je žalbeni navod pod rednim brojem 15. osnovan.

12. Uvidom u Ponudu ponuđača „Deling“ d.o.o. Tuzla Tendersku dokumentaciju Ugovorni organ je utvrdio da je žalbeni navod pod rednim brojem 16. osnovan.

Dakle, Komisija za javne nabavke je ponovnim uvidom u ponudu izabranog ponuđača, te analizom ponuda u odnosu na navode iz žalbe i propisani postupak, sačinila Zapisnik o ocjeni ponuda kojim je utvrdila da je ponuda izabranog ponuđača Deling d.o.o. Tuzla iz naprijed navedenih razloga neprihvatljiva u smislu odredbe člana 69. stav (2) tačka d) Zakona o javnim nabavkama BiH čime se okončava postupak javne nabavke iz razloga što nijedna od primljenih ponuda nije prihvatljiva.

Imajući u vidu sve naprijed navedeno, Ugovorni organ je na preporuku Komisije za javne nabavke žalbu žalitelja ocijenio **kao djelimično osnovanu**, ali kako su tri pristigle ponude neprihvatljive za Ugovorni organ u smislu odredbi člana 69. stav (2) tačka d) Zakona o javnim nabavkama BiH, to je Ugovorni organ na osnovu člana 100. stav (3) Zakona o javnim nabavkama BiH donio Rješenje kao u dispozitivu.

**Pouka o pravnom lijeku:**

Protiv ovog Rješenja može se izjaviti žalba URŽ-u, putem Ugovornog organa, u roku od 5 (pet) dana od dana prijema Rješenja.

**DOSTAVLJENO:**

1x ELKOM d.o.o. Tuzla  
1x DELIG d.o.o Tuzla  
1x NEXSEN d.o.o. Banja Luka  
1x Komisija za nabavke  
1x a/a.

24 DIREKTOR

Dr. sci. Munever Čeragić, dipl.ing. rud.



**Transakcijski računi:**

161 0250 007 190075 Raiffeisen bank d.d. BiH, filijala Tuzla  
132 1300 309 179345 NLB Banka d.d. Tuzla, filijala Banovići  
187 2000 000 044917 Postbank BH d.d. Sarajevo, filijala Živinice  
154 3602 003 310866 Intesa Sanpaolo banka d.d. BiH  
555 0530 049 467130 Nova banka AD Banja Luka, ekspozit. Tuzla

306 0450 000 163538 Hypo Alpe Adria bank Bosnia d.d.  
140 4010 018 681113 Sberbank BH d.d. Sarajevo  
186 0001 048 962098 Turkish Ziraat bank Bosnia d.d.  
338 4402 212 197081 UniCredit banka d.d. Mostar